

新體評註

東萊博

下冊

上海大東書局印行

四

新體評註

東萊博議卷三

葵邱之會

傳公九年夏會於葵邱。尋盟且脩好禮也。王使宰孔賜齊侯胙曰：天子有事於文武，使孔賜伯舅。胙，齊侯將下拜。孔曰：且有後命。天子使孔曰：以伯舅耄老，加勞，賜一級。無下拜。對曰：天威不遠，顏咫尺。小白余敢貪天子之命，無下拜，恐隕越于下。以遺天子羞。敢不下拜。下拜，登受。秋，齊侯盟諸侯于葵邱。曰：凡我同盟之人，言歸于好。宰孔先歸，遇晉侯曰：可無會也。齊侯不務德而勤遠略，故北伐山戎，南伐楚，西爲此會也。東略之不知，西則否矣。其在亂乎？君務靖亂，無勤於行。晉侯乃還。

期字與前
篇待字相
類

反接

天下之爲治者，未嘗無所期也。王期於王，霸期於霸，強期於強，不有以之。孰得而射之？不有以望之。孰得而趨之？志也者，所以立是期也。動也者，所以赴是期也。效也者，所以應是期也。汎然而議

數語言不
可無期
頓住
以上是要
有所期

以上期有
所得
又頓住
得此一縱
文情委曲

用喻作收
文氣飄忽
生動
應志者所
以立是期

卒然而行。忽然而罷。汗漫荒忽。無所歸宿者。是豈足與爲治哉。故
期者。聖君賢臣所以先天下之治者也。期固爲治之先。亦或爲治
之害。自期於强者。至强則止。欲挽之使進於霸。不可得也。自期於
霸者。至霸則止。欲挽之使進於王。不可得也。何則。其素所期者。止
於如是也。强而止於强。霸而止於霸。是特安於小耳。雖不足肩盛
世而追還軌。然下視弱國陋邦。所獲不既多矣乎。謂之無志。則可。
謂之有害。則未也。抑不知天下之勢。不盛則衰。天下之治。不進則
退。强而止於强。必不能保其强也。霸而止於霸。必不能保其霸也。
驅駿馬而馳峻坂。中間豈有駐足之地乎。齊桓公拔管仲於繚綏。
桎梏之中。屬之國政。立談之間。遽以霸功相期。何其壯也。所期既

應動者所
以赴是期

寫伯者得
意光景如
畫

寫伯者氣
魄震動赫
奕光景如
畫

收束

立左國右高前鮑後隰下逮比閭族黨之民夙興夜寐淬厲奮發

以赴吾君之所期至於葵邱之會威加諸侯名震四海天子致昨

王人下臨環以旌旄崇以壇陛幙張燎舉有司戒期駢圭交舄抑

首就位弁冕秩秩穆然無聲於是桓公降阼遵廷下拜王命興俯

跪起之容翼如也環佩衝牙之音鏘如也降寵榮光焜耀在列申

以五命之嚴永以載書之信明約顯命若挾河漢而轟雷霆區區

曹許之君出於鼠壤蟻封之中驟見曠古駭俗之偉觀目眩氣奪

莫敢仰視雖平日跋扈倔強不受控御如晉侯者猶膏車秣馬奔

走道路恐干後至之誅五霸莫高於桓公而桓公九合之盟葵邱

之會實居其最一時文物之盛騷人墨客誇談矜語至於今不衰

滿字應前
止字起下
十餘滿字

頓挫
應效者所
以應是期

至此方轉
下說期滿
之害文字
有次序

文情搖宕

上用兩所

期既滿似

害生於既

滿之時接

此二句說

不在既滿

法也倒縮

嗚呼。桓公素所自期者。及葵邱之會。悉償所願。滿足無餘。種之累
年。而穫於今日。信可謂不負所期矣。所期既滿。其心亦滿滿則驕。
驕則怠。怠則衰。近以來。宰孔之譏。遠以召五公子之亂。孰知盛之
極。乃衰之始乎。吾嘗譬桓公之功業。葵邱未會之前。猶自朔至望。
之月也。寢長而寢盈。葵邱既會之後。猶自望至晦之月也。寢缺而
寢盡。蓋未滿則有增。既滿則招損而已。尙安能復增乎。甚矣人心
之不可滿也。桓公非不知滿之可戒也。所期既滿。其心不得不滿。
也使桓公所自期者。不止於霸詎肯至霸而滿哉。桓公之罪在於
自期之時。而不在於既滿之時也。雨暴而沼溢。酒暴而卮翻。沼之
所受有常限。卮之所容有常量。人之所期有常。願踰其限。過其量。

喻意夾出
正意

東萊文字
每曲終
雅奏

塞其願雖不欲滿而不自知其滿矣。我不爲沼。何憂乎十日之霖。
我不爲卮。何憂乎千釀之醴。桓公素不以霸自期。則下視霸功。亦
蚊蟲之過前耳。吾是以知自期之不可小也。進霸而至於王。極天
下之所期。無在其上者。其亦可以息乎。曰王道果可息。則堯之兢
兢。舜之業業。湯之汲汲。何爲者耶。

【評】

孫執升曰。孔子以器小譏管氏。卽此意。○朱字綠曰。通篇兩層立意。一是不可無所期。

一是所期不可自小。而至於滿。主意重在所期不可自小。而至於滿。卻先說不可無所期。輕先
於重。多用此法。文亦光采橫溢。豪宕軼羣。○張明德曰。期於霸而復期於王。此自有無限作用。
何患唐虞三代不復見於今日也。桓不見及此。仲更不見及此。東萊乃言之鑿鑿。篇中如言葵
邱未會之先。猶自朔至望之月。寢長而寢盈。葵邱既會之後。猶自望至晦之月。寢缺而寢盡。此
等議論。誰人道得出半字。卽使依稀言之。亦不能痛徹至此。此篇期字。當與前篇待字參看。

【音釋一】

①【胙】祭肉。②【伯舅】天子謂異姓諸侯曰伯舅。③【蜚】七十曰

蜚。④【咫】八寸曰咫。⑤【小白】齊桓公名。⑥【略】巡行也。

【音釋二】

⑦【的】射侯之中也。⑧【汎然】浮泛之義。汎同泛。⑨【卒然】恩遽

之貌。卒音猝。⑩【汗漫】（淮南子）吾與汗漫期于九垓之外（注）汗漫不可知也。故

以爲放浪而無檢制之稱。⑪【歸宿】猶言結局（管子）偶然無所歸宿。⑫【遐軌】

遠大之規法也。（晉書韓彝傳）邁周庾之清塵。遵許郭之遐軌。⑬【駿馬】良馬。⑭【

峻坂】（漢書）帝從霸陵欲西馳下峻坂。坂音反。坡也。⑮【齊桓公二句】（淮南子）汜

論訓）管仲免於繯綫之中。立齊國之政。九合諸侯。一匡天下。繯綫黑索。拘繫罪人也。桎梏二

字衍。⑯【立談之間】謂俄頃也。虞卿立談之間而取卿相。見（史記）。⑰【左國右高

前鮑後隰】國高鮑隰。皆齊世臣之姓。⑱【比閭族黨】五家爲比。五比爲閭。五閭爲族。五

族爲黨。見（周禮）。⑲【夙興夜寐】句見（詩）。⑳【淬厲】猶言磨鍊（新論）越

劍性利。非淬礪而不銛。亦以喻人之奮進。淬音倅。厲同礪。㉑【王人】卽指宰孔。㉒【旌

旄】析羽而注於旗干之首曰旌。旄。犛牛尾。旗之注旄牛尾於干者。故曰旄。㉓【壇陛】盟

會之地。⑤【幙張燎舉】幙，帳也。帷在上曰幙。燎，庭燎。庭中設炬以照幙帳也。⑥【戒期

】（左傳）齊侯戒師期。⑦【駢圭交鳥】言諸侯聚會也。圭，玉也。諸侯瑞信之物。朝聘用

之鳥音昔履也。⑧【弁冕】冠也。（左昭）吾與子弁冕端委以治民。⑨【秩秩】有序

也。（詩）左右秩秩。⑩【穆然】靜貌。（漢書）於是吳王穆然穆讀若默。⑪【祀】事

矣。切階之兩旁也。（書畢命）夾兩階祀。⑫【翼如】（論語鄉黨篇）趨進翼如也。（注

）張拱端好如鳥舒翼。⑬【環佩衝牙】（禮玉藻）佩玉有衝牙。衝，玉之下端。玉形似牙，

故曰衝牙。⑭【鏘如】玉聲之和也。（禮玉藻）然後玉鏘鳴也。⑮【五命】葵邱之會，

有初命至五命。見（孟子）。⑯【載書】盟書也。（孟子告子篇）葵邱之會，諸侯束牲載

書而不歃血。⑰【挾】音閃。舒也。張也。⑱【轟】呼泓切。發聲之大也。⑲【區區】見

前。⑳【鼠壤】言地土之小也。本草有鼠壤土，謂園圃之土柔而無塊曰壤。㉑【蟻封】

蟻穴外有封土隆起，謂之蟻垤。言雖曰高大而實卑小也。㉒【跋扈倔強】俱見前。㉓【

控御】御馬使就範也。亦謂治人如御馬。（晉書劉琨傳）琨善於懷撫而短於控御。㉔【

晉侯】獻公也。㉕【膏車秣馬】（韓愈送李愿歸盤谷序）膏吾車兮秣吾馬。膏，以油潤

車輪秣飼也。⑤【後至之誅】（史記）禹會塗山防風後至誅之防風古國名。⑥【五

霸句】（漢書高帝本紀）蓋聞王者莫高於周文。霸者莫高於齊桓。⑦【文物】謂禮樂

典章也。（李白詩）朝野盛文物。⑧【騷人墨客】謂風雅之士。（宣和畫譜）騷人墨客

登高賦詩。⑨【宰孔之譏】見題注。⑩【五公子之亂】管仲卒五公子皆求立事見（

左傳僖公十七八年）。⑪【自朔至望自望至晦】月初一曰朔十五曰望月終曰晦。⑫

【沼】池也。圓曰池。曲曰沼。⑬【卮】音支酒器。⑭【十日之霖】（左傳隱公九年）

凡雨三日以往爲霖。⑮【千釀之醴】作酒曰釀。甜酒曰醴。（釋名）釀之一宿而成醴。

⑯【蚊蟲】皆小飛蟲。（國策）俛啄蚊虻而食之。蟲同虻。音盲。⑰【堯兢兢舜業業】（

漢書董仲舒傳）故堯兢兢日行其道。舜業業日致其孝。⑱【湯汲汲】（揚子法言）堯

舜禹湯文武汲汲仲尼皇皇。

衛侯遜位激民

僖公十八年冬。邢人狄人伐衛。圍蒺園。衛侯以國讓父兄子弟。及朝衆曰。苟能治之。熒請從。

機字從激
字生

焉衆不可而後師於營。婁狄師還。定公八年。晉師將盟衛侯於鄆澤。趙簡子曰。羣臣誰敢盟衛君者。涉佗成何曰。我能盟之。衛人請執牛耳。成何曰。衛吾溫原也。焉得視諸侯。將畎涉佗。援衛侯之手。及挽衛侯怒。王孫賈趨進曰。盟以信禮也。有如衛君。其敢不唯禮是事。而受此盟也。衛侯欲叛晉。而患諸大夫。王孫賈使次于郊。大夫問故。公以晉詬語之。且曰。寡人辱社稷。其改卜。嗣寡人從焉。大夫曰。是衛之禍。豈君之過也。公曰。又有患焉。謂寡人必以而子與大夫之子爲質。大夫曰。苟有益也。公子則往。羣臣之子敢不皆負羈縻以從。將行。王孫賈曰。苟衛國有難。工商未嘗不爲患。使皆行而後可。公以告大夫。乃皆將行之。行有日。公朝國人。使賈問焉。曰。若衛叛晉。晉五伐我。病何如矣。皆曰。五伐我。猶可以能戰。賈曰。然則如叛之病而後質焉。何遲之有。乃叛晉。晉人請改盟。弗許。

天下之物有置之則不可見。動之則不可禦者。殆非人力之所能爲也。機之發於天者。然也。兄弟鬩于牆。而外禦其侮。是心安從生耶。兄弟之愛天也。鬪鬩之時。其機伏而不見。初未嘗亡也。一旦遇

途人之辱。以動吾之機。是機一發。豈薄忿細怨所能遏耶。君臣也。父子也。夫婦也。兄弟也。朋友也。五者天下之大機也。私欲梏之。小智藩之。封繫固密。其機若不可復還也。或叩焉。或觸焉。其機立應。掣其梏。決其藩。固有破百年之人僞於一息之間者矣。唐之代德。何如君也。昏庸猜虐。民困其暴。固已不復知有君臣之義也。及在播遷流離之中。用柳伋陸贄之言。貶損自責。以感發天下君臣之機。真機既生。森不可禦。向日之抑塞。向日之殘酷。向日之橫斂。向日之征徭。後機一衝。前怨咸息。愛君之外。舉無餘念。疾首痛心。爭先赴敵。不越月踰時。而歸二君於故都。祀唐配天。不失舊物。暫動其機。效已若此。况其機素明者耶。衛國之君。兩用此機。文公以邢

入題以議
論爲敘事

復提前天
字立論

映帶代德

狄侵晉侮
亦非小辱
不可以罪
二君出公
事各不同
牽合未確

狄之侵。避位而激其民。動是機於前。而終能滅邢。廿八靈公以晉之侮。亦避位而激其民。動是機於後。而終能亢晉。廿九是非樂於自屈。也不屈已於此。則無以發機於彼也。文公固賢主。若靈公豈素拊循其民者耶。民之所以畢力拒晉者。非爲靈公也。靈公之言。適動其愛君之機。而不能已也。雖然。動天之機者。不可雜之以人。狄侵晉。侮非有陝郊之危。卅一奉天之急也。而文公靈公。張大其事。甚已之辱。而起民之怒。其動民之本。既雜而不純矣。故衛國之民。天機雖動。人機亦隨。馴致其患。卅三公孫彌牟反竊是機。以拒出公。卅四非動其機者。不端。詎至是耶。以人蔽天。猶可也。以人亂天。不可也。蔽者其天尙存。方開之以天。而遽投之以人。本原汨亂。卅五吾不知其何時而能去也。

【評】朱字綠曰：動其機，亦是平常議論，取其首尾完好，引代德二宗事亦切。○張明德曰：機

伏而動，爲題中一激字伏脈。兩引唐事，以議論爲敘事，末後又歸到天宇上，首尾自是相應。

【音釋一】

①【菟園】衛地。②【燬】衛文公名。③【訾婁郭澤】皆衛地。④【

執牛耳】盟禮，尊者執牛耳以主盟。⑤【溫原】皆晉邑。⑥【歆】見前。⑦【接】子

對切擠也。⑧【及挽】血至挽也。挽同腕，音宛，臂之下端。⑨【詬】歌殿切，恥也。⑩【

羈綫】羈，馬絡頭綫，馬經。

【音釋二】

①【機之發於天】（禮大學注）機發動所由也，又真性也。②【兄弟二

句】見（詩棠棣篇）閱，馨激切，狠也。③【梏】音谷，手械也。（孟子疏）利欲以制善，使

不得爲，猶梏之制手也。④【藩】屏也，所以障蔽。⑤【人僞】（蘇軾詩）人僞相加有

餘怨，天真喪盡，無純誠。⑥【息】一呼吸也。⑦【代德】唐代宗名豫，肅宗子，德宗名适。

代宗子。⑧【猜虐】疑忌而殘暴也。⑨【播遷】流離遷徙之義。⑩【流離】漂散也。

（詩旄邱篇）瑱兮旻兮，流離之子。⑪【柳伉陸贄之言三句】（通鑑）唐代宗時，驃騎

大將軍程元振專權自恣，吐番入寇，上幸陝州，元振不以時奏，致上狼狽，太常博士柳伉上疏。

請斬元振首。馳告天下。上猶以元振有保護功。放歸田里。唐德宗時。涇原兵過京師。作亂。上如奉天。朱泚反。據長安。自稱大秦皇帝。犯奉天。渾瑊擊破朱泚。奉闕解。考功郎中陸贄言於上曰。昔成湯以罪己。勃興。楚昭以善言復國。陛下能不吝改過。以謝天下。使書詔無所避忌。則反側之徒。革心向化矣。上然之。故奉天所下書詔。雖驕將悍卒。聞之。無不感激揮涕。 ㊟【殘酷】暴虐也。 ㊟【橫斂】取民不以法也。 ㊟【征徭】征。徵稅也。徭。役也。 ㊟【疾首痛心】（左傳成公十三年）斯是用痛心疾首。暍就寡人。（注）疾。亦痛也。 ㊟【歸二君句】二君。謂代宗德宗。故都舊時都城。 ㊟【祀唐配天二句】（左傳哀公元年）祀夏配天。不失舊物。（注）物。事也。 ㊟【靈公】衛靈公名元。事見題注。 ㊟【亢】抵敵也。 ㊟【拊循】猶言撫慰。（史記）問疾醫藥。身自拊循之。 ㊟【陝郊二句】卽指唐代德事。 ㊟【馴致】（易）馴致其道。由漸而至曰馴。音旬。 ㊟【公孫彌牟】（左傳哀公二十五年）公孫彌牟作亂。衛侯出奔宋。 ㊟【出公】衛靈公孫名輒。 ㊟【汨亂】猶言濁亂。（唐書）汨亂朝經。汨古忽切。

梁亡

僖公十九年^一初梁伯好土功^二亟城而弗處^三民罷而弗堪^四則曰某寇將至乃溝公宮曰秦將襲我民懼而潰秦遂取梁

唐虞洙泗
反不見天
理映下罔
民中乃見
天理

引兩客

應首句

天下之不容泯者^五天理也。登唐虞之朝者^六舉目皆德。政陪洙泗之
席者^七入耳皆德音。縱橫交錯^八無非此理。左顧右盼^九應接不暇^十其何
自而窺天理之真在哉。至於居橫逆淫詖之中^{十一}天理間發^{十二}豈非是
理之真在歟。我生^{十三}不有命在天^{十四}人皆知紂之託辭也。然天之一言
胡爲而忽出於紂之口哉^{十五}何適而無道人皆知跖之託辭也。然道
之一言胡爲而忽出於跖之口哉。紂身與天違而口忽言天。跖身
與道違而口忽言道。噫不如是何以知是理之果不可亡歟。梁伯

每用此法
見奇

一路委曲
頓挫機勢
卻復跌宕

此處看出
良心

應罔民是
良心

縱一層文
氣充滿

溺於土功。罔民^{十六}致寇^{十七}。自速滅亡。其罪固然矣。吾獨於罪之中而知天理之所在焉。人皆以罔民爲梁伯之詐心。吾獨以爲梁伯之良心。世之論良心者。歸之仁。歸之義。歸之禮智信。未有敢以詐爲良心者也。名詐以良心。豈有說乎。曰。詐非良心也。所以詐者。良心也。梁伯之版築。其自以爲是乎。其自以爲非乎。如自以爲是。必不待罔民。以某寇將至也。必不待罔民。以秦將襲我也。惟其心慊然^{十八}以爲非。恐民之不我從。故虛張外寇以脅之耳。嗜版築而^{十九}不已者。心之私也。慊版築而不安者。心之正也。詐固非良心。慊獨非良心乎。是以知天理之常在人欲中。未嘗須臾離也。欲心方熾而慊心遽生。孰導之而孰發之乎。嗚呼。梁伯一念之慊。此改過之門也。此復

結出君子
小人之分
在良心的
與不繼繼
字內有功
夫

禮之基也。此堯舜禹湯文武之路也。使聖人迎其善端推而大之。沛然若決江河莫之能禦。奈何一慊方生而遽繼以詐。自起自仆。良心安得而獨勝乎。是知與生俱生者謂之良心。毀之而不能消。背之而不能遠。有以繼之則爲君子。無以繼之則爲小人。繼與不繼而君子小人分焉。故學者不憂良心之不生而憂良心之不繼。

【評】

唐荆川曰。文有理趣。而語句灑脫。○孫執升曰。前半言天理。後半言良心。良心不亡。卽

大理也。天理出於紂跖之口。良心在於詐心之中。專爲小人誘掖。故多用叩擊法。○朱字綠曰。孟子言性善。朱子言雖下愚不能無道心。自是顛撲不破。從泯滅良心處看出良心。意更警切。由此推之。凡爲不善而工於覆匿。與爲不善而假託善名者。何非良心之所在也。王伯安言良知是知有良心者矣。乃曰無善無惡心之體。然則良知又是何物。至今祖述其說者。必欲打掃善字一空。歸於虛無而後止。使心之體果無善無惡。必不知善之爲是。惡之爲非也。梁君何爲。